
Monterroso, 18 de marzo de 2026.- O alcalde, Eloy Pérez Sindín.

R. 0726

MURAS

Anuncio

Por resolución da Alcaldía 2025-0748, foi aprobado o PADRÓN PAI- NOVIEMBRE 2025.

Por medio do presente exponse ao público o devandito padrón polo prazo de quince días hábiles, que empezará a contarse dende o día seguinte ao da publicación deste anuncio no Boletín Oficial da Provincia, para que poidan formularse as reclamacións que se consideren pertinentes.

O período voluntario para o cobro do importe das cotas establécese en DOUS MESES, contados desde a presente publicación no BOP. Transcorrido o período de cobro en voluntaria sen que se satisfixeron as cotas, iniciárase o período executivo con arranxo ao disposto no artigo 69 e seguintes do RXR, cos correspondentes recargas, xuros de demora e demais conceptos que sexan esixibles.

Este anuncio ten o carácter de notificación colectiva ao amparo do disposto no artigo 102 da LXT. O que se fai público para xeral coñecemento e os efectos oportunos.

Muras, 15 de decembro de 2025.- O alcalde, don Manuel Requeijo Arnejo.

R. 0697

NEGUEIRA DE MUÑIZ

Anuncio

Por Resolución de Alcaldía número 2026-0035 de data do 11.03.2026, aprobouse o padrón fiscal correspondente ó mes de febreiro de 2026 do Servizo de Axuda no Fogar a través da Lei de Dependencia polo importe de 121,28 €, e Programa Básico de Axuda no Fogar polo importe de 286,98 €.

Por medio do presente exponse ó público o devandito padrón polo prazo de quince días hábiles a contar dende o día seguinte á publicación do anuncio no BOP, para que poidan formularse as reclamacións que se consideren pertinentes.

O que se fai público para xeral coñecemento do presente anuncio, que ten carácter de notificación colectiva, en cumprimento do disposto no Regulamento Xeral de Recadación e na Lei 58/2003, de 17 de decembro, Xeral Tributaria.

Negueira de Muñiz, 10 de marzo de 2026.- O alcalde, José Manuel Braña Pereda.

R. 0698

VIVEIRO

Anuncio

Por medio da presente exponse ó público, por prazo de vinte días hábiles o expediente tramitado para a **cesión a favor do IGVS da Casa dos Mestres**, aprobado inicialmente polo Pleno da Corporación en data 4 de marzo de 2026. As reclamacións e suxerencias presentadas deberán ser resoltas polo Pleno da Corporación, no acordo de aprobación definitiva da cesión. O expediente atópase a disposición dos interesados na Secretaría Municipal, de luns a venres en horario de 9:00 a 14:00 horas.

Viveiro, 13 de marzo de 2026.- A alcaldesa, D.^a María Carmen Gueimunde González.

R. 0700

Anuncio

Dna. María Carmen Gueirmunde González, Alcaldesa-Presidenta do Concello de Viveiro,

En base aos seguintes **ANTECEDENTES E FUNDAMENTOS**

Resultando que no Boletín Oficial da Provincia de Lugo do venres, 24 de outubro de 2025 Núm. 245, publícase a convocatoria e bases reguladoras cos seus anexos aprobadas pola Alcaldía, en Viveiro o día 21 de outubro de 2025, polas que se inicia o proceso selectivo para a provisión en propiedade da praza vacante correspondente ao

posto da RPT “Profesor/a” (EC2-/059) na Escala Administración Especial, Subescala Técnica, sistema oposición, acceso libre.

Resultando que no Diario Oficial de Galicia do luns, 24 de novembro de 2025, DOG Núm. 227, publicase o anuncio da convocatoria para prover unha praza vacante correspondente ao posto da RPT “Profesor/a” (EC2-/059) pola quenda de acceso libre (OEP 2023).

Resultando que no Boletín Oficial do Estado do martes, 02 de decembro de 2025, Núm. 289, para a provisión en propiedade da praza vacante correspondente ao posto da RPT “Profesor/a” (EC2-/059) na Escala Administración Especial, Subescala Técnica, sistema oposición, acceso libre, establecendo o prazo de presentación de solicitudes que será de 20 días hábiles a contar dende o seguinte ao da publicación.

Vistas as bases xerais, xunto coas bases específicas e anexo que regula o proceso selectivo para a provisión en propiedade da praza vacante correspondente ao posto da RPT “Profesor/a” (EC2-/059) na Escala Administración Especial, Subescala Técnica, sistema oposición, acceso libre.

Resultando que en data 13 de marzo de 2026 se publicou no Boletín Oficial da Provincia de Lugo resolución de aprobación da lista definitiva con carácter de definitiva de persoas admitidas e excluídas ao proceso selectivo para a provisión dunha praza de “Profesor/a” do Conservatorio Profesional de Música do Concello de Viveiro.

En data 14 de marzo de 2026, con número de rexistro 2026-E-RE-890, preséntase por Don Julian González Díaz recurso de reposición contra a lista con carácter definitiva de admitidos/as e excluídos/as ao proceso selectivo para a provisión dunha praza de Profesor/a do Conservatorio de Música do Concello de Viveiro.

Visto o informe da Secretaria e do Responsable de Persoal do Concello de Viveiro, de data 17 de marzo de 2026, que consta no expediente.

Resultando que o recurso presentado por D. Julián González Díaz, fundaméntase en que a solicitude presentada polo interesado para formar parte do proceso selectivo foi presentada con anterioridade ao inicio do prazo, tratándose dunha solicitude anticipada e non extemporánea, procedendo a súa admisión con base na doutrina xurisprudencial. Solicita se deixe sen efecto a exclusión do comparecente, admitíndoo no proceso selectivo.

Á vista do recurso presentado e atendendo ao criterio seguido pola xurisprudencia, que considera que procede a exclusión cando se exceda do prazo final de presentación de instancias, como prazo preclusivo, pero non ao respecto das presentadas antes do seu inicio, constando nalgunha sentenza que *«no es motivo suficiente para excluirlos de la relación de admitidos, toda vez que no se excedieron del plazos final de presentación de instancias»*, non constando nas bases do proceso previsión expresa ao respecto deste motivo de exclusión, enténdese que con base no criterio xurisprudencial, procede a admisión dos aspirantes que presentaron instancia antes da apertura do prazo.

Tendo en conta que se revisan de oficio as instancias presentadas no rexistros que menciona o artigo 16.4 da Lei 39/2015, de 1 de outubro, LPACAP, co fin de comprobar as datas de presentación de instancias das persoas aspirantes ao proceso selectivo.

Considerando, polo tanto, que en virtude do artigo 21 da Lei 7/1985, de 2 de abril, Reguladora das Bases de Réxime Local.

RESOLVO

Primeiro.- Admitir o recurso de reposición interposto en data 14 de marzo de 2026, con número de rexistro 2026-E-RE-890, por Don. Julián González Díaz.

Segundo.- Aprobar nova lista ao proceso selectivo dunha praza de “Profesor/a” (EC2-/059), con carácter de lista definitiva de admitidos/as:

A) ADMITIDOS/AS:

N.º	APELIDOS E NOME	Realización proba de galego
1	ÁLVAREZ GÓMEZ BRUNO	EXENTA
2	DURAN VISO LEON PEDRO	EXENTA
3	GARCÍA TOJEIRO ALICIA	EXENTA
4	GONZÁLEZ DÍAZ, JULIÁN	NON EXENTA (Prazo de 10 días hábiles para subsanación segundo punto 6 d), tendo en conta que de oficio este aspirante foi admitido no proceso selectivo). (Pode ser obxecto de subsanación)
5	SEQUEIROS BLANCO JORGE	EXENTA

Terceiro.- Notificar a presente resolución ao interesado, con indicación dos recursos que proceden.

Cuarto.- Publicar esta Resolución, no Boletín Oficial da Provincia de Lugo, no taboleiro de anuncios dixital, ao que se accede a través da páxina web municipal (www.viveiro.es) e taboleiro de anuncios físico do Concello.

Dar traslado da presente Resolución aos membros designados para o seu coñecemento.

Contra a resolución que aproba a presente lista de admitidos/as e excluídos/as con carácter de definitiva, os/as persoas aspirantes poderán interpoñer recurso potestativo de reposición, diante da presidencia do Concello de Viveiro, no prazo dun mes contado a partir do día seguinte ao da publicación no BOP da presente listaxe definitiva, ou ben recurso contencioso-administrativo diante do Xulgado do Contencioso-Administrativo de Lugo, no prazo de dous meses contados dende o día seguinte ao da citada publicación no BOP.

Mándoo e asínoo en

Viveiro, 17 de marzo de 2026.- A alcaldesa, María Carmen Gueimunde González. Ante min, a secretario, ós efectos do artigo 3.2 do Real Decreto 128/2018, María Luz Balsa Rábade.

R. 0727

Anuncio

Anuncio

Son obxecto do presente anuncio a convocatoria e bases reguladoras cos seus anexos aprobadas pola Alcaldía, en Viveiro o día 17 de marzo de 2026, polas que se inicia o proceso selectivo para a provisión en propiedade da praza vacante correspondente ao posto da RPT "Técnico/a Xurídico/a de urbanismo, Director/a do Departamento" (SX5.0/023) na Escala Administración Xeral, Subescala Técnica.

CONVOCATORIA

Á vista dos seguintes antecedentes:

- Proposta de bases.
- Informe de Secretaría e Persoal.
- Consignación orzamentaria.
- Informe de fiscalización.

Vistas as características da praza vacante obxecto da convocatoria:

GRUPO	NATUREZA	CLASIFICACIÓN	N.º DE PRAZAS	CORRESPONDENCIA POSTO RPT
A1	Funcionario	Escala Administración Xeral, Subescala Técnica	1	Técnico/a Xurídico/a de urbanismo, Director/a do Departamento (SX5.0/023)

Examinadas as bases da convocatoria en relación coa selección de persoal referenciada, e de conformidade co artigo 21.1.g) da Lei 7/1985, de 2 de abril, de Bases do Réxime Local,

RESOLVO

PRIMEIRO. Aprobar as Bases reguladoras das probas selectivas para a provisión en propiedade da praza vacante anteriormente referenciada.

SEGUNDO. Aprobar a convocatoria do proceso selectivo.

TERCEIRO. Publicar a convocatoria e o texto íntegro das bases reguladoras das probas selectivas no *Boletín Oficial da Provincia* e con referencia no Diario Oficial da *Comunidade Autónoma*, no *Taboleiro de Anuncios*, no *Taboleiro dixital na sede electrónica e na páxina web*.

CUARTO. Publicar un extracto da convocatoria no *Boletín Oficial do Estado*, sendo a data deste anuncio a que servirá para o cómputo do prazo de presentación de instancias.

QUINTO. Aprobar o gasto correspondente ás retribucións referentes á praza vacante correspondente ao posto de traballo SX5.0/023 da RPT vixente do Concello de Viveiro, segundo consta na RPT vixente, atendendo ao seu calendario de implantación e actualizacións derivadas das correspondentes Leis de Orzamentos Xerais do Estado.

BASES REGULADORAS

BASES XERAIS, ESPECÍFICAS E ANEXOS POLAS QUE SE ESTABLECEN AS NORMAS PARA A PRAZA DE FUNCIONARIO/A "TÉCNICO/A XURIDICO DE URBANISMO" DA OFERTA DE EMPREGO PÚBLICO DO ANO 2024.